

«ՀԱՅԱՑՔ ԺՈՂՈՎՐԴԻ ՆԵՐՍԻՑ»

Անհավատալի է, բայց փաստ. մնացորդաց միտքն ու սիրտը եղեռնից հետո կաթվածահար էին լինելու, բայց հակառակը եղավ. Բակունցն այսպիսի մի պատկեր ունի - Պետու ընկած տեղը, նրա արյան ու ոսկրածուծի վրա, խոտն ավելի փարբան է ածել. ահա, երեկվա արյան հովհտը մշակույթ էր ծաղկում - ստեղծագործում էին բոլորը՝ նկարիչները, ճարտարապետները, երաժիշտները, գրողները, և բոլորն էլ բանաստեղծ էին, բոլորն էլ լավ էին ստեղծագործում, նույնիսկ նրանք, ովքեր ի ժնե կարծես թե պիտի որ անպոտու լինեին. դարձոր երազների ու իրական հայրենիքի կորուստը փոխատուցվում էր հոգևոր հայրենիքով: Ահա, քանքարաշատ, գունագեղ, թերևաշունչ Մահարին վկայում է, որ շատ ավելի Չարենցին ջգրացնելու համար Բակունցը խոստանում էր ապրել հարյուր տարի և վկայաբերում էր իննուն տարեկան իր պապին, որ ատամով դեռ ընկույզ էր ջարդում. չապրեց այդքան, նույնիսկ երկուսով՝ ինքն ու Չարենցը չապրեցին. Երեքով՝ Մահարին, Բակունցը, Չարենցը՝ Մահարու հայտնի անհայտ տարիները հանած, գուցե թե: Նրա ողբերգական բռնանահը, որ միայն իր մահը չէր, այլև վախճանն էր շատ ու շատ սկիզբների, գերեզման իջեցրեց նաև մեր աստեղային ճամփորդին, և սա սոսկ խոսք չէ հանուն նրանց հավատարիմ գործընկերության փառաբանումի - սա եռլրյուն է. իր բանսարկված, բանտարկված ընկերոջը, երբ ամեն ոք իր կաշին փրկելու մասին էր մտածում, դեռևս դրսում գտնվող Չարենցն այսպես է բնութագործել.

... Եվ բառերի համար քո մարմարյա,
Չնամենի, բուրյան, որպես մեր իին
Քարաքանդակ անդուռ մատուռների
Անջընջելի գրերն հնադարյան,-
Եվ մյուսոնի ննան սրբազնագույն
Զո երգերի մաքուր սկիհներուն պահված՝
Խորհուրդների համար մշտահընա,
Որպես խորհուրդը մեր նախրական ոգու,-
Զո «Միրհավի» համար - և լուսեղեն՝
Արփենիկի հուշով սրբագործված հավետ,
«Ալպիական ծաղկի» այն բուրավետ
Որ բուրելու է հար աննութեղեն,-
Եվ վերջապես քո վեհ, հերոսական
«Սերմնացանի» համար, որ ձեռքերով վսեմ
Սև ցելերի վրա մեր գոյության այս սև
Շաղուն է շողը ու սերմ անանձնական,-
Այս ամենի համար,- և Ծիրանի
Քազարամյա փողի՝ համար քո այն,
Որ դարերո՞վ տենչած խաղաղության

Երգն է հնչում,- և մեր ժողովուրդը քանի
Ունի գեթ ափ մի հոյ արեգակի ներքո,
Հնչելու է երգեր եղբայրական,-
Այս ամենի համար, օ՛, խեղճ իմ բարեկամ,
Ես քեզ օրինում եմ արդ իմ անաղարտ երգով...
Այս ամենի համար,- և քո եղերական
Տառապանքի համար, որ արդ կրկին
Վեհություն է խառնում քո անաղարտ երգին -
Ես քեզ պարզում եմ ձեռք եղբայրական...
Եվ ներբողում եմ քեզ ահա կրկին անեղծ
Իմ շրերով, հնչած օրեր առաջ,-
Երբ դեռ դու այր էիր մի անարատ,
Եվ ես ընկերոն էի քո բանաստեղծ:

Բանսարկված Բակունցին հիանալիորեն վեհացնող այս հրաշը
ներբողը Բակունցից ավելի ներբող է առ ինքը՝ ջլուտ պղնձակով Չա-
րենցը, նրա անկոտրում առնականությունը, վերահաս օրերի ողբա-
լիության նրա ֆիզիկական շոշափելիությանն առնչվող զգացո-
ղությունը, և այդ եղած անցածի, բայց հետևանքներով ամենահն էլ
չանցածի, այսօր ամեն պահի իր մեծ բացակայությունն զգացնել
տվողի ծանր ողբերգականությունը չեն ցանկանա հասկանալ ոչ թե
անգետները, - անգետը գրականության սրտի տեղը այդպես ճշտորեն
չէր գիտենա, - ոչ, չեն ցանկանա հասկանալ մշակույթի գիտակից,
թրծված թշնամիները, չար մարդիկ, այնպիսի մարդիկ, որ սպանելուց
ու հորելուց հետո էլ դեռ երկար ժամանակ չարությանք են նայում այն
տեղին, ուր իրենց գոհն էր կանգնած:

Բակունցի անժամանակ բացակայումը իր և իր ժամանակակից-
ների համար ողբերգություն լինելուց ավելի ողբերգություն էր հայ
գրականության նրա հետնորդներիս համար, սովետական ամբողջ
գրականության համար, աշխարհի գրականության համար, քանի որ
նրա բերանով մենք աշխարհին բան էինք ասելու, քանի որ այսօրվա
փոխկապված, փոխշղթայված, փոխխմճճված աշխարհում տաղանդը
կարող է մի ժողովրդի զավակ լինել, բայց ոչ երբեք նիայն մի ժողո-
վրդի սեփականություն, և հնչքան աղքատ կզգայինք հայ ընթերցող-
ներս՝ եթե չինեին ամերիկացի Ֆոլքները, հսպանախոս Մարկեսը, եթե
կայացած չիներ Տոլստոյի վիթխարի փաստը - երևի նույնքան աղ-
քատ, ինչքան որ բակունցյան քարավանի զարկվելով վերոհիշյալ
ժողովուրդներն են հայոց մի գեղեցիկ ու ճշմարիտ բան ունենալուց
զոկվել:

Սա ավաղ չէ անժամանակ զոհված ջահելմերի վրա առհասարակ և
ոչ էլ մշակույթի թշնամիների առաջ տաղանդների վրա ձեռք
չբարձրացնելու հայց, - փառք իրենց, ում վրա էլ նրանք ձեռք են
բարձրացնում, հսպանիայում Գարսիա Լորկա կլինի թե Հայա-

տանում Ակսել Բակունց, ժողովուրդը նրանց շեղումներն անտեսում, թերը սրբում ու սրբացնում է,- սա նրա շիտակ հասակի հետ մեր կուզը շտկելու ցանկությունն է, սա խոսք է Միրիավի ու Սաքուի, Խոնարի աղջկա ու Տիգրանուին, Չարքի ու Գյուլբահարի, Ծիրանի փողի ու Կյորեսի, Պրովինցիայի մայրամուսի ու Արովյան անավարտ վեպի հեղինակի մասին և խոր գիտակցումն այն բանի, որ այսօրվա աշխարհում պատրաստ կանգնած բանակների, բնական գիտությունների, հետախուզությունների ու տնտեսությունների գոտենարտից ավելի մշակույթների պայքար է, և վայ այն ժողովորդին, ում մշակույթը պայքարից պարտված կենի - դրանից հետո սպասվում է իրեն բուն ժողովորդի գլխովին ու անվերապահ անձնատրությունը: Այդ այդպես է և միայն այդ ու այդպես է, իսկ մեր մշակույթի գորավարը մեջտեղից վերացվել է մարտի հենց սկզբում: Մենք նրան գորավար ենք համարում ոչ թե այն պատճառով, որ տեղներս ներ է, տեղներս իհարկե լայն չեն, այլ որովհետև լեզուն ու ժողովուրդը ժամանակակիցների ու հետնորդներիս մեջ, Չարենցից բացի, և ոչ մեկին չի օժտել այնքան ու այնպես, ինչպես Բակունցին:

Նա աշխարհայացքային ու գեղագիտական նոր սկիզբ էր, և հեռանկարային շատ երևույթներ, որոնք հետնորդներիս աչքերի առջև անգամ հիսուն տարի հետո դժվար էին պարզվելու, մեզանից հիսուն տարի առաջ նրա գործում արդեն շունչ ու կերպարանք էին առնում. հապա մի հիշենք կավի և մետաղի, քսաներորդ դարի և միջնադարի, ազգային ու անհատական ներփակության և անազգ, անանիատ ամբոխային շքերթի բախումը «Պրովինցիայի մայրամուտում» կամ այսոր փառաբանվող ֆանտասմագորիկ պատկերների շղթայական անվերջությունը «Կյորեսում» - և պարզ է դաշնում, որ նրա համարյա թե յուրաքանչյուր գործը նոր սկիզբ էր և որպես այդպիսին՝ բոլորիս համար պարտադիր:

Ինչ որ ժողովուրդը տվել էր նրան ու նա վերադարձնելու էր և ինչ որ հասցրել է վերադարձնել՝ համեմատելու բաներ չեն, բայց և այդքանը, ինչ փրկվել է գյուղատնտեսի նրա զբաղվածությունից, հապշտապ փակված գործից ու կյանքից, ավիրված արխիվներից, մի խոսքով նրա ոգևորված ժամանակակիցներից ու ժամանակից, որոնց համար կործանելն ու կառուցելը հավասարաչափ հեշտ էին երևում, և մանավանդ այն, ինչ նա հասցրել է մոմիկյան իր մատներով շտկել ու խմբագրել, նրան դասում են արդիական մշակույթի խոշորագույն վարպետների շարքը, քանի որ նրա վաստակի քիչությունը լիովին փոխսհատուցվում է եպոխայի և եպոխայինների պատկերման ճշգրտությամբ: Մի գրողի վերաբերյալ, որ չի գորել վերջացնելու սոցիալական թշնամանքի, համաշխարհային առաջին պատերազմի, ազգամիջյան ջարդերի ու քաղաքացիական կռիվների մասին «Կարմրաքար» եպոպեան, մի գրողի՝ որ Սմոլնուց ու Դեր-Զորից հազարավոր վերստերով

հեռու հայոց լեռներում հավաքում էր հպատակության ու Եղեգնի ընդամենը հեռավոր, աղավաղված, գեղջկական արձագանքները, մի գրողի՝ ում ձեռագիրն անընդհատ հիշեցնում է հայ միջնադարյան մանրանկարչություն ու խաչքարային արվեստ,- էպոխային ու ճշգրիտ էպոխային ասելը անհեթեր կինչի նորագույն հետնորդների ականջին, այն մարդկանց, ում համար ինտերնացիոնալիզմի հավերժութեն փրկարար դավանանքը բացառում էր ազգային արժանապատվության զգացումն ու դիմադրության ծիգերը և այսինչ կամ այնինչ օգտակար գաղափարի անվրեա՝ հարյուրտոկոսանոց վիպային իրականացումը կենդանի - մարդկանց դարձնում էր շախմատային ֆիգուրներ, միտումնակիր այդ վեպերը՝ շախմատային խաղատախտակ, և ում համար գյուղի սոցիալիստական վերակառուցման բովանդակությունը աննացորդ ամփոփվում էր կուս-բջիջ-գյուղխորհուրդ-կոլվարչություն-ժողովուրդ քառանկյունում։ Նրանք իրենք էին ուզում էպոխային լինել և իրոք եղան, բայց միայն երկու օրով. հետո կենդանի կյանքը ուռանալով վերափոխեց այդ իրականությունը, և այդ իրականությունը ճշտորեն վերարտադրող գրականությունը մնաց իր էպոխայում, չնայած կարող էր պատահել, որ իրականությունը վերանար, իրականության գրականությունը մնար. թեզային՝ մտադրութային էին և իրականությունը, և գրականությունը, և երկուսն էլ ետ մնացին, այնինչ Բակունցի սխալ, վրիպած, երկրորդական, կողմնակի կարևորի մասին «Գյուլբահարը» մնաց:

Սկզբունքայնորեն նոր էր Բակունցի հայացքը մարդկանց ու երևույթների, նոր էր այդ աշխարհայացքի բերած ոճը, նոր ու աննախադեա էր ինքը Բակունց-գրողն ամբողջությամբ և որպես այդպիսին՝ հետնորդներիս համար նախանշային է, բոլոր նախորդների մեջ թերևս ամենանախանշանայինը, ինչպես որ իր համար նախորդ բազում մեծերի մեջ նախանշանային էր Տերյանի «Երկիր Նաիրի» շարքը. Բակունցը նոր էր ոչ թե այնպես, ինչպես յուրաքանչյուր շատ թե քիչ օժտված ստեղծագործող է աշխարհին նայում, հիանում ու հիասթափվում, զարմանում ու զայրանում նորովի, այլ նոր էր էպոխայնորեն, այսինքն թե իրենից առաջ, ինչքան էլ խոշոր անհատականություններ լինեին, չին կարող ու չին էլ տեսնում աշխարհն ու երևույթներն այնպես, ինչպես Բակունցը:

Դա՝ նրա այդ հայացքը, ազգերի զարթոնքների շրջանում իրենց խեղճ, կրոնական-սոցիալական-ազգային եռաշերտ դամբարանում թաղված ժամանակակիցների մեջ հին-հին դարերի հերոսականությունը ոգեկոչելու նախորդների հույսերից, որոնց վերջը դառն հիասթափությունն էր, հիշողություն անգամ չուներ և ոչ էլ սեր սիրուց այդ

«խենք- խելառների», ովքեր ժողովրդի ուժին չին հավատում, ժողովրդի փրկության գործում նրա դերը հավասարեցնում էին զրոյի, ժողովրդին դիմագրկում ու նրա ազատության գործը իրենց կյանքի- մահվան գործն էին համարում, ինչի վերջը դարձյալ խոր հիաս- թափությունն էր: Բակունցի այդ հայացքը ըստ Էռլյան հայացք էր դեպի ժողովուրդը կամ ժողովրդի վրա - դա հայացք է ժողովրդի ներսից, ասել է թե՝ նա ժողովրդին որպես մարտանյութի կամ փրկա- նյութի չի նայում, ժողովրդին պատրաստի ծրագրով չի մոտենում, այլ մեզ համար բացահայտում է կեցության խորհուրդը ժողովրդի մեջ, և այդ խորհուրդը բարի է, դարձյալ ասել է թե՝ ոչ թե նա է ժողովրդայ- նորեն տարազավորված խոսում ժողովրդի անունից, այլ շրջադար- ձորեն հակառակը՝ ժողովուրդը խոսում է նրա բերանով: Նրա կենդանի գեղարվեստը ելնում է նրա ռեպորտաժներից ու ակնարկներից և չէր կարող այլ լինել քան է - բնորդների բազմությունը նրան թույլ չի տալիս հեղինակային բռնությամբ արվող արվեստ ստեղծել, դա լինող արվեստ է, ինչը որ մեր դարի գրականության եռլյունն է:

Մենք երախտապարտ ենք նրան ծնող ժողովրդին, նրա ժամա- նակին ու նրա ժողովրդի լեզվին՝ դարի ամենախոշոր արվեստա- գետների կողքին հանձին նրա մեր առաքյալն ունենալու համար: